



Հ Ա Ն Գ Ի Ս Տ

ՀՈՒՆԱՀԱՅՈՑ ԱՌԱՋՆՈՐԴ ՏԵՐ ԿԱՐԱՊԵՏ ԱՐՔԵՊԻՍԿՈՊՈՍ ՄԱՋԼԸՄՅԱՆԻ

Ս. Էջմիածին հասած հեռագիրը գումեց կտրովի և հայրենասեր մեծանուն եկեղեցականի՝ Գեորգի Ս. Կարապետ արքեպիսկոպոս Մազլըմյանի մանր, որ տեղի է ունեցել Արքեպիսկոպոս, 1951 թվի մայիսի 2-ի շորեքշաբթի օրը, ծանր հիվանդությունից հետո:

Հոգեւոյս Սրբազանը ծնվել է Նիկոմիդիո Պարտիզակ հայաշատ ֆաղափում 1870 թվին: Սովորել է տեղի Ազգային վարժարանում, աշակերտելով լուսահոգի նշիշե արքեպիսկոպոս Դուրյանին: 1893—1895 թվերին կարգվել է Պարտիզակի Ազգային վարժարանի ուսուցիչ: 1894 թվին Նիկոմիդիո համբավավոր առաջնորդ լուսահոգի Ստեփանոս արքեպիսկոպոսի կողմից ձեռնադրվել է կուսակրոն ֆահանա: 1895—1900 թվերին հանգուցյալ Սրբազանը կարգվել է տեսուչ Ազգային վարժարանի և միաժամանակ ֆարոքիշ տեղի երկու եկեղեցիներում: 1900—1905 թվերին, նա ձեռնհասորեն վարել է Նիկոմիդիո առաջնորդական փոխանորդությունը, իսկ 1905 թվից մինչև առաջին Համաշխարհային պատերազմը՝ Պանտրում—Պալոքեսերի միացյալ թեմերի առաջնորդությունը: 1910 թվին Մատթեոս կաթողիկոսից ձեռնադրվել է թեմի եպիսկոպոս: 1915 թվին, հայկական ջարդերի օրերին, իր ժողովրդի հետ տեղահան է եղել դեպի Սիրիա և մի շարք պատասխանատու պաշտոններ վարել տարբեր վայրերում: 1924 թվին Հունաստանի պառզամավորական ժողովի կողմից ընտրվել է առաջնորդ: 1926 թվին ստացել է արքեպիսկոպոսի աստիճան Գեորգ Ե. Կաթողիկոսի կողմից:

Հոգեւոյս Մազլըմյան սրբազանը Հունաստանի առաջնորդությունը վարել է 28 երկար տարիներ անաւելի կորովով և սրտեռանդ նվիրումով:

Նա ջանք չխնայեց յաթաղանից ու սրից ազատված և Հունաստան ապաստանած հայկական խլակները առաջնորդարանի թեմի տակ ծվարելու գործում, սպասելով այն երջանիկ օրվան, երբ նրանք հնարավորություն կունենան զաղթել իրենց սրբազան Հայրենիք: Նվ հայրենասեր եկեղեցականի իղծը իրականացավ — հունահայոց զգալի մասը տեղափոխվեց Հայրենիք:

Սրբազանը մեծ հայրենասեր և մեծ էջմիածնասեր եկեղեցական էր: Բոլորի հիշողության մեջ բարձր են նրա անկեղծ և սրտաբույս հառերը 1945 թվին Ս. Էջմիածնում գումարված ազգային-եկեղեցական ժողովում, որին մասնակցում էր որպես հունահայոց պառզամավոր: Նա մինչև վերջը մնաց հավատարիմ Հայրենիքին և Ս. Էջմիածնին: Իր հայրենասիրության և էջմիածնասիրության համար նա երբարկվեց անլուր հալածանքի և հետապնդման հայրենադավ շրջանից:

Սրբազանի վերջին կտակն է եղել՝ իր անյունները տեղափոխել Հայրենիք և թաղել Հայրենի հողում: Հայրենասեր հոգևորականի իղծը պիտի անպայման կատարվի — Հայրենի հողը պատրաստ է պատվով իր գիրկն ընդունել օտարության մեջ մահացած իր հայրենասեր որդու անյունները: